



Broj: A-297/25

Sarajevo, 24.06.2025. godine

Na osnovu člana 6. Zakona o Federalnom tužilaštvu FBiH („Službene novine FBiH“; broj: 42/02 i 19/03), člana 64. stav (1) tačka b) i člana 70. stav (1) i (3), Zakona o javnim nabavkama („Službeni glasnik BiH“, broj 39/14, 59/22 i 50/24), Zapisnika o pregledu i ocjeni ponuda broj: A-297/25 od 23.06.2025. godine i Preporuke komisije broj A-298/25 od 23.06.2025. u postupku nabavke roba: „toneri za printere i kopir aparate za potrebe Federalnog tužilaštva FBiH“, donosi se

### **ODLUKA**

#### **o izboru najpovoljnijeg ponuđača za nabavku tonera za printere i kopir aparate**

##### **I**

Prihvata se preporuka Komisije za javne nabavke broj: A-297/25 od 23.06.2025. godine i ugovor za nabavku robe – toneri za printere i kopir aparate za potrebe Federalnog tužilaštva FBiH dodjeljuje se ponuđaču „**Defter**“ d.o.o. Sarajevo, ul: **Gatačka 20, Sarajevo, ID broj: 4200303990007** za ponudenu cijenu od **8.446,34 KM bez PDV-a**. (Najniža cijena tehnički prihvatljive ponude nakon provedene e-aukcije).

##### **II**

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

##### **III**

Izabrani ponuđač je dužan dostaviti dokaze o kvalificiranosti u roku od 5 (pet) dana od dana prijema ove odluke, u skladu sa zahtjevom iz tenderske dokumentacije.

##### **IV**

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

##### **V**

Ova odluka stupa na snagu danom donošenja i objavit će se na web-strani Federalnog tužilaštva FBiH [www.ft-fbih.pravosudje.ba](http://www.ft-fbih.pravosudje.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

### **Obrazloženje**

Glavni federalni tužilac donio je Odluku broj: A-297/25 od 09.06.2025. godine o pokretanju postupka javne nabavke tonera za printere i kopir aparate za potrebe Federalnog tužilaštva FBiH.

Javna nabavka je provedena putem postupka Konkurentski zahtjev za dostavu ponuda. Konkurentski zahtjev, odnosno tenderska dokumentacija, učinjena je dostupnom svim zainteresovanim ponuđačima, bez naknade, a isti su je mogli preuzeti na portalu Agencije za javne nabavke Bosne i Hercegovine.

Za predmetnu nabavku objavljeno je obavještenje o nabavi na portalu Agencije za javne nabavke broj: 1187-7-1-21-3-19/25.

Komisija za provođenje postupka javne nabavke provela je proceduru javne nabavke, dana 20.06.2025. godine obavila javno otvaranje ponuda, sačinila i dostavila Zapisnik o otvaranju ponuda ponuđačima koji su blagovremeno dostavili svoje ponude, te sačinila i Zapisnik o pregledu i ocjeni ponuda.

Ponudači koji su dostavili ponudu su:

1. Defter d.o.o. Sarajevo, sa ukupnom cijenom od 8.446,34 KM
2. Aero Exclusive d.o.o. Sarajevo, sa ukupnom cijenom od 8.511,00 KM

Komisija je na zatvorenoj sjednici dana 20.06.2025. godine, izvršila evaluaciju pristiglih ponuda gore pomenutih ponuđača za nabavku tonera za printere i kopir aparate, te je ustanovljeno da su obje pristigle ponude potpune odnosno tehnički zadovoljavajuće, te da ispunjavaju uslove propisane tenderskom dokumentacijom.

Budući da su ponude navedenih ponuđača potpune i tehnički zadovoljavajuće, Komisija je dana 20.06.2025. godine, u sistemu e-nabavke zakazala e-aukciju za dan 23.06.2025. godine sa početkom u 11:00 sati.

Nakon provedene e-aukcije ustanovljena je konačna rang lista ponuđača kako slijedi:

1. **„Defter” d.o.o. Sarajevo, ul: Gatačka 20, Sarajevo.** Navedeni ponuđač je ponudio potpunu, tehnički zadovoljavajuću ponudu koja u cijelosti ispunjava sve zahtjeve iz tenderske dokumentacije sa iznosom od 8.446,34,00 KM bez PDV-a.
2. **„Aero Exclusive” d.o.o. Sarajevo, ul: Kolodvorska 12, Sarajevo.** Navedeni ponuđač je ponudio potpunu, tehnički zadovoljavajuću ponudu koja u cijelosti ispunjava sve zahtjeve iz tenderske dokumentacije sa iznosom od 8.511,00 KM bez PDV-a.

U postupku donošenja ove Odluke posebno su cijenjene činjenice da je izabrani Ponuđač dostavio ponudu koja potpuno udovoljava zahtjevu i potrebama Federalnog tužilaštva FBiH po najnižoj cijeni, te da ukupna ponudena cijena navedene ponude ne prelazi iznos planirane vrijednosti za predmetnu nabavku.

Imajući u vidu sve navedeno odlučeno je kao u dispozitivu ove Odluke.

#### Pravna pouka:

Protiv ove Odluke svaki Ponuđač koji ima legitimni interes u predmetnom postupku javne nabavke i koji smatra da je ugovorni organ ovom Odlukom prekršio jednu ili više odredaba Zakona o javnim nabavkama ili neku odredaba podzakonskih akata, ima pravo izjaviti žalbu u pisanoj formi u roku od deset (10) dana od dana prijema ove odluke Filijali Ureda za razmatranje žalbi Bosne i Hercegovine sa sjedištem u Mostaru, **putem Federalnog tužilaštva Federacije Bosne i Hercegovine**, u skladu sa članom 99. Zakona.

#### Dostaviti:

1. Defter d.o.o. Sarajevo;
2. Aero Exclusive d.o.o. Sarajevo;
3. Računovodstvo Vrhovnog suda FBiH;
4. Web stranica;
5. U spis

GLAVNI FEDERALNI TUŽILAC

Munib Halilović

